



Broj: 11-05/02-04-40137-113/21

Sarajevo, 01.12.2021. godine

SKUPŠTINA KANTONA SARAJEVO
-ovdje-

PREDMET: Odgovor na zastupničku inicijativu – Jasna Duraković

Zastupnica Jasna Duraković je Ministarstvu za odgoj i obrazovanje Kantona Sarajevo, na nastavku 44. Radne sjednice Skupštine Kantona Sarajevo, održane 17.11.2021. godine, u okviru tačke dnevnog reda „Poslanička/zastupnička pitanja, inicijative i odgovori“, u skladu sa članom 213. stav (1) Poslovnika Skupštine Kantona Sarajevo, uputila sljedeću zastupničku inicijativu, citiramo:

„Podnosim inicijativu da Ministarstvo za odgoj i obrazovanje KS prekine moratorij na zapošljavanje u obrazovnim institucijama (osnovnim i srednjim školama u KS) koji traje od 2012. godine, jer veliki broj prosvjetnih radnika već godinama, ne uspijeva zasnovati stalni radni odnos. Ovo su stotine upraznjenih radnih mjesta za koja već postoje obezbijeđena sredstva. Vlada i Ministarstvo već godinama odvajaju novac za ta radna mjesta, stoga bi rješenje bilo promjena Pravilnika i centralni spisak kandidata za određena radna mjesta.“

ODGOVOR:

U vezi sa predmetnom inicijativom, ovim putem Vas obavještavamo da je Vlada Kantona donijela Zaključak, broj: 02-04-2278-18.2/21, od 28.01.2021. godine, kojim Vlada Kantona Sarajevo nastavlja sa moratorijem na upošljavanje na neodređeno vrijeme u svim kantonalnim organima uprave, upravama i upravnim organizacijama koje se nalaze u sastavu ministarstava, javnim ustanovama, javnim fondovima, kantonalnim javnim komunalnim preduzećima, javnim preduzećima i rukovodiocima drugih budžetskih i vanbudžetskih korisnika, bez p. rethodne saglasnosti Vlade Kantona Sarajevo od 30.01.2021. godine do 31.12.2021. godine. Navedeno podrazumijeva i ustanove iz oblasti odgoja i obrazovanja (osnovne i srednje škole).

U prilogu dostavljamo predmetni zaključak.



Ministarstvo za odgoj i obrazovanje nema nadležnost da derogira zaključke Vlade Kantona Sarajevo, niti može donositi akte kojim se isti krše.

Napominjemo da posljednjih godina, shodno važećim propisima, daje saglasnost za oko 1000 javnih konkursa za prijem radnika u radni odnos na određeno vrijeme, u osnovnim i srednjim školama.

Smatramo potrebnim ukazati i na činjenicu da, shodno odredbama Zakona o radu, na godišnjem nivou, oko 100 radnika u osnovnim i srednjim školama stekne zakonske uvjete za promjenu ugovora o radu na određeno vrijeme u ugovor o radu na neodređeno vrijeme.

Kada je u pitanju izmjena Pravilnika s kriterijima za prijem radnika u radni odnos u predškolskim ustanovama, onovnim i srednjim školama kao javnim ustanovama čiji je osnivač Kanton Sarajevo ("Službene novine Kantona Sarajevo", br. 29/21 i 31/21, na način da se utvrdi centralni spisak kandidata za određena radna mjesta, smatramo da u ovim okolnostima, to nije moguće.


Naime, utvrđivanje broja bodova za kandidate prijavljene na javni konkurs vrši se, između ostalog, i na osnovu ostvarenog radnog staža i vremena provedenog na evidenciji službe za zapošljavanje. Ta dva parametra za utvrđivanje broja bodova podrazumijevaju da se broj bodova mijenja iz mjeseca u mjesec. Shodno tome, ažuriranje takvih centralnih spiskova bi trebalo raditi na mjesečnom nivou, na osnovu dokumentacije koju bi kandidati bili obavezni dostavljati, također na mjesečnom nivou. Sve navedeno bi uzrokovalo veliku obavezu administriranja, za koju ovo ministarstvo nema kapacitet.

Nije zanemariva ni činjenica da svaka osnovna i srednja škola ima pravni subjektivitet, koji obavezuje organe škole da provode procedure prijema u radni odnos i u kojem je osigurana dvostепенost u odlučivanju, što je imperativ u ovakvim situacijama.

S poštovanjem,

Dostavljeno:

1. Naslovu
- ② Stručna služba Vlade
3. Arhivi



2. Senka Nožica, članica,
3. Dženana Husremović, članica,
4. Enisa Mešić, članica,
5. Zilka Spahić-Šiljak, članica,
6. Elmedin Muratbegović, član,
7. Midhat Izmirlija, član,
8. Zlatan Karović, član.

Administrativno-tehničke poslove za potrebe Ekspertnog tima obavljat će Dino Mešić, viši stručni saradnik za normativno-pravne poslove u Sektoru za propise Ministarstva pravde i uprave Kantona Sarajevo.

II

Zadatak Ekspertnog tima je izrada Protokola o postupanju u slučaju seksualnog uznemiravanja i nasilja u organima uprave, javnim preduzećima, javnim ustanovama i pravnim licima čiji je osnivač Kanton Sarajevo.

III

Rok za izvršenje zadataka iz tačke II ovog rješenja je 30 dana od dana donošenja ovog rješenja.

IV.

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-1942-3/21
26. januara 2021. godine
Sarajevo

Premijer
Edin Forto, s. r.

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na Petoj sjednici održanoj 28.01.2021. godine, donijela je

ZAKLJUČAK

1. Vlada Kantona Sarajevo nastavlja sa moratorijem na upošljavanje na neodređeno vrijeme, u svim kantonalnim organima uprave, upravama i upravnim organizacijama, upravama i upravnim organizacijama koje se nalaze u sastavu ministarstava, javnim ustanovama, javnim fondovima, kantonalnim javnim komunalnim preduzećima, javnim preduzećima i rukovodiocima drugih budžetskih i vanbudžetskih korisnika, bez prethodne saglasnosti Vlade Kantona Sarajevo od 30.01.2021. godine do 31.12.2021. godine.
2. Ovlašćuju se resorni ministri da mogu dati saglasnost za popunu radnih mjesta u organizacijama, institucijama i pravnim licima u kojima vrše ovlaštenja nadzora nad zakonitošću rada i poslovanja, a na osnovu kojih će se zaključiti ugovori o djelu, ugovori o povremenim i privremenim poslovima i ugovori na određeno vrijeme, a najduže do godinu dana.

Zadužuju se resorni ministri da o navedenim aktivnostima mjesečno obavještavaju Vladu Kantona Sarajevo.

3. Samostalne kantonalne uprave i samostalne kantonalne upravne organizacije su u obavezi zatražiti prethodnu saglasnost Vlade Kantona Sarajevo za zapošljavanje na određeno i neodređeno vrijeme, kao i za angažovanje osoba za obavljanje povremenih i privremenih poslova, kao i za angažovanje po ugovorima o djelu.
4. Organi i institucije iz tačke 1. ovog zaključka dužni su prijem zaposlenika u radni odnos na određeno i neodređeno vrijeme vršiti putem Javnog oglasa/konkursa, u skladu sa Zakonom i Uredbom o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji kantona, grada ili općine, u javnim ustanovama i javnim preduzećima čiji su osnivači kanton, grad ili općina, te privrednim društvima u kojima kanton, grad ili općina učestvuju sa više od 50% ukupnog kapitala ("Službene novine Kantona Sarajevo", broj 9/19 i 21/19).
5. Zadužuju se rukovodioci svih budžetskih i vanbudžetskih korisnika da odmah preduzmu sve aktivnosti radi penzionisanja svih uposlenika koji ispunjavaju jedan od uslova za odlazak u penziju, te o istom informišu Vladu Kantona Sarajevo.
6. Ovim zaključkom stavlja se van snage Zaključak Vlade Kantona Sarajevo, broj 02-04-9455-3.2/20 od 06.04.2020. godine.
7. Ovaj zaključak stupa na snagu danom donošenja i objavit će se u "Službenim novinama Kantona Sarajevo".

Broj 02-04-2278-18.2/21
28. januara 2021. godine
Sarajevo

Premijer
Edin Forto, s. r.

Ministarstvo finansija Kantona Sarajevo

Na osnovu člana 17. stav (1) Zakona o izvršavanju Budžeta Kantona Sarajevo za 2020. godinu ("Službene novine Kantona Sarajevo", br. 10/20, 18/20 i 29/20), po zahtjevu Univerziteta u Sarajevu, ministar finansija donosi sljedeću

ODLUKU**O PRERASPODJELI SREDSTAVA U BUDŽETU
KANTONA SARAJEVA ZA 2020. GODINU ZA
BUDŽETSKE KORISNIKE UNIVERZITETA U
SARAJEVU**

1. Odobrava se preraspodjela sredstava u Budžetu Kantona Sarajevo za 2020. godinu, sredstva u iznosu 3.148.095 KM u razdjelu 21040001 Univerzitet u Sarajevu: